



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-017-4/25**

Datum: **08.05.2025. godine**

«Agencija za vodno područje rijeke Save» Sarajevo rješavajući po zahtjevu Javnog komunalnog preduzeća «KOMUNALAC» d.o.o. Busovača za donošenje rješenja o vodnoj dozvoli za privremeno ispuštanje komunalnih otpadnih voda u prirodni recipijent iz urbanog područja općine Busovača, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola Javnom komunalnom preduzeću «KOMUNALAC» d.o.o. Busovača za privremeno ispuštanje komunalnih otpadnih voda iz urbanog područja općine Busovača, putem javnog kanalizacionog sistema, u rijeku Kozicu i rijeku Ivančicu. Ova dozvola se odnosi na ukupno četiri identificirana ispusta u nadležnosti podnosioca zahtjeva i to:
 - dva ispusta iz glavnih kolektora u rijeku Ivančicu na parcelama označenim kao k.č. broj: 110 i 682 K.O. Busovača, općina Busovača,
 - dva ispusta iz glavnih kolektora u rijeku Kozicu na parcelama označenim kao k.č. broj: 260 i 117/2 K.O. Busovača, općina Busovača;
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokalitetima ispusta i uz sljedeće uslove:
 - 2.1. Da se objekti koji čine javni kanizacioni sistem općine Busovača održavaju u ispravnom i funkcionalnom stanju u skladu sa njihovom namjenom i ovim Rješenjem.
 - 2.2. Da se, za vrijeme trajanja ove dozvole, završe sve aktivnosti potrebne za konačno donošenje i usvajanje Odluke o odvodnji otpadnih voda a sve u skladu sa članom 54. Zakona o vodama i važećim podzakonskim aktima.
 - 2.3. Da se permanentno radi na razdvajanju postojećeg mješovitog sistema odvodnje otpadnih voda u skladu sa urađenom projektnom dokumentacijom, te da se prilikom izgradnje nove kanizacione mreže projektuje i izvodi isključivo separadni sistem odvodnje.
 - 2.4. Da se redovno vrši snimanje, izrada katastra kanizacionog sistema i kontrola stanja postojeće kanizacione mreže. Ukoliko postoje ili se na bilo koji način na terenu uoče nekontrolisani pojedinačni ispusti fekalnih otpadnih voda u prirodne vodotoke, iste registrovati i što hitnije poduzeti aktivnosti da se isti priključe na postojeće gradske kolektore.
 - 2.5. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to tehnički izvodljivo, vrši priključenje objekata na kanizacionu mrežu.
 - 2.6. Da se obezbijedi nesmetan pristup i redovno vrši održavanje obala i korita rijeke Kozice i rijeke Ivančice na mjestima ispusta komunalnih otpadnih voda iz glavnih gradskih kolektora.
 - 2.7. Da se, od korisnika prilikom izdavanja odobrenja za priključak na gradsku kanizacionu mrežu, zahtijeva da kvalitet otpadnih voda koje se ispuštaju u javnu kanizacionu mrežu bude u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.8. Odobrenje za priključak na kanizacioni sistem treba da sadrži sve podatke i uslove propisane članom 28. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) i odredbama Uredbe o uslovima ispuštanja otpadnih voda u okoliš i sisteme javne kanalizacije.
 - 2.9. Da se, za vrijeme trajanja ove dozvole, vrši monitoring otpadnih voda na svim ispuštima glavnih gradskih kolektora definisanih tačkom 1. dispozitiva ovog rješenja. Monitoring vršiti u skladu sa članom 25. stav (2) Uredbe o uslovima ispuštanja otpadnih voda u okoliš i sisteme

javne kanalizacije, te pojedinačne i zbirne godišnje izvještaje dostavi Agenciji u skladu sa članom 23. iste Uredbe. Do izgradnje odgovarajućeg postrojenja za tretman otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

3. Vlasnik, odnosno korisnik objekata je, u skladu sa Zakonom o vodama i Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), obavezan voditi propisane evidencije te nadležnim organima dostavljati propisane obrasce (Obrazac EBS) uz redovno dostavljanje obrasca IV – Mjesečni izvještaj o količini isporučene vode i obračunu EBS-a te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada za zaštitu voda.
4. Ispuštanje otpadnih voda u rijeku Kozicu i rijeku Ivančicu ne smije ugrožavati postojeći hemijski i ekološki status recipijenata.
5. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet voda, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprječavanju širenja onečišćenja i na otklanjanju uzroka onečišćenja.
6. U periodu važenja ove dozvole, Korisnik je dužan provoditi sve mjere i aktivnosti propisane istom.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima kanizacionog sistema i mjestima ispusta obuhvaćenih ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane Javnog komunalnog preduzeća «KOMUNALAC» d.o.o. Busovača, dana 13.01.2025. godine podnesen je ovaj Agenciji zahtjev za izdavanje vodne dozvole za privremeno ispuštanje komunalnih otpadnih voda iz urbanog područja općine Busovača, putem javnog kanizacionog sistema, u rijeku Kozicu na dva mjesta ispusta i u rijeku Ivančicu na dva mjesta ispusta.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra: 051-0-RegZ-19-001850 izdatog dana 19.11.2024. godine od strane Općinskog suda u Travniku,
- Ovjerena kopija Uvjerenja o poreznoj registraciji izdatog dana 18.03.2016. godine od strane Porezne uprave Federacije BiH – Kantonalni porezni ured Novi Travnik,
- Ovjerena kopija Uvjerenja o registraciji/upisu u Jedinostveni registar obveznika neizravnih poreza broj: 04/1- UPP/1-11566/07 izdatog dana 06.09.2007. godine od strane Uprave za indirektno-neizravno oporezivanje Banja Luka,
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-7466/16 izdatog dana 16.03.2016. godine od strane Službe za statistiku za područje Srednjobosanskog kantona,
- Ovjerena kopija lične karte direktorice JKP «KOMUNALAC» d.o.o. Busovača,

- Operativni plan interventnih mjera u slučaju incidentnih zagađenja broj: 965-5/20, decembar 2020. godine,
- Kopija Rješenja o vodnoj dozvoli broj: UP-I/25-3-40-706-4/19 izdatog dana 17.02.2020. godine od strane «Agencije za vodno područje rijeke Save» Sarajevo,
- Kopija Odluke broj: 01-23-989/05 kojom se JKP «Komunalac» d.o.o. Busovača daje na upravljanje kanalizaciona mreža u ul Ravanjski put donesena dana 27.09.2005. godine od strane Općine Busovača,
- Ovjereni kopija Odluke broj: 02-023-61/91 o osnivanju JKP «Komunalac» d.o.o. Busovača donesena dana 28.03.199. godine od strane Skupštine općine Busovača,
- Idejni projekat primarne kanalizacione mreže i postrojenja za prečišćavanje otpadnih voda u općini Busovača urađen od strane «ES Hydrotechnics» d.o.o. Sarajevo, mart 2007. godine (na uvid),
- Sistem vodosnabdijevanja i sistem odvodnje otpadnih voda naselja Busovača – projekat izvedenog stanja urađen od strane «Zavoda za vodoprivredu» d.d. Sarajevo, septembar 2008. godine
- Izvještaj o monitoringu komunalnih otpadnih voda broj: 1246/23, septembar 2023. godine; broj: 1685/23, decembar 2023. godine i broj: 1769/24, septembar 2024. godine od strane «Inspekt - RGH» d.o.o. Sarajevo (izvještaji urađeni za ispuste komunalnih otpadnih voda u rijeku Kozicu i Ivančicu i ispušt u Topalovića potok iz postrojenja za pripremu pitke vode),
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnih ispusta komunalnih otpadnih voda u rijeku Kozicu na dva lokaliteta i u rijeku Ivančicu na dva lokaliteta na području općine Busovača i tom prilikom je sačinjen Zapisnik o uviđaju broj: UP-1/21-3-40-017-3/25 od 29.04.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Na području općine Busovača izgrađena je mješovita kanalizaciona mreža ukupne dužine cca 5 km za prikupljanje i odvodnju fekalnih i oborinskih otpadnih voda užeg urbanog područja. Kanalizacioni sistem čine četiri glavna kolektora sa direktnim ispuštima u otvorene vodotoke Kozicu i njenu pritoku Ivančicu bez prethodnog tretmana.

Otpadne vode se ispuštaju u rijeku Ivančicu na dva mjesta ispusta - jedan ispušt u blizini mosta i rasadnika na desnoj obali – na dijelu parcele označene kao k.č. broj: 110 K.O. Busovača a drugi na lijevoj obali – na parceli označenoj kao k.č. broj: 682 K.O. Busovača. U rijeku Kozicu otpadne vode se ispuštaju na lijevoj obali na dva mjesta ispusta (na dijelu parcela označenih kao k.č. broj: 260 i 117/2 K.O. Busovača, općina Busovača).

Na kanalizacioni sistem općine Busovača kojim upravlja JKP «KOMUNALAC» d.o.o. Busovača priključeno je oko 600 domaćinstava i privrednih subjekata. Prigradska naselja i ostala naselja na području općine Busovača nemaju izgrađen kanalizacioni sistem, a odvodnja otpadnih voda vrši se putem septičkih jama.

Ne postoji Odluka o odvodnji otpadnih voda na području općine Busovača.

Monitoring otpadnih voda se vrši redovno od strane ovlaštene laboratorije «Inspekt RGH» d.o.o. Sarajevo na 4 mjesta ispusta (na uvid dostavljeni Izvještaji o monitoringu komunalnih otpadnih voda za period septembar 2023. godine do septembar 2024. godine).

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnim lokacijama ispusta otpadnih voda u rijeku Kozicu i rijeku Ivančicu a u svrhu smanjenja negativnih uticaja predmetnih aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama člana 115. do člana 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka, konstatuje se da je podnosilac zahtjeva Javno komunalno preduzeće «KOMUNALAC» d.o.o. Busovača, ispunio minimum uslova za dobivanje vodne dozvole za privremeno ispuštanje komunalnih otpadnih voda iz urbanog područja općine Busovača putem javnog kanalizacionog sistema u rijeku Kozicu i rijeku Ivančicu na ukupno četiri mjesta ispusta, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) utvrđene su obaveze u tački 5. dispozitiva ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-1/21-3-40-016-2/25 od 17.04.2025. godine.

Podnosilac zahtjeva je uplatio upravnu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- JKP «KOMUNALAC» d.o.o. Busovača
ul. S.S. Kranjčevića bb, 72260 Busovača
- ➔ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava